

26. sept. 2016

UKA2016/130

Uunga siunnersuut: Aatsitassat pillugit ingerlatallu tamatumunnga pingaarutillit pillugit inatsisartut inatsisaat (aatsitassanut ikummatissanullu inatsit) allangortinneqarnera pillugu Inatsisartut inatsisaat nr. xx, yy 2016-imeersoq. (Aalajangiinerup eqqartuussivinnut suliakkiunnissaanut piffissamut killiliussa, annikitsumik aatsitassarsiorluni aatsitassanik suliaqartarnek, akuersissummik peqarani aatsitassanik katersisarnek paaasarnerlu aamma akileraartarnermut nalunaarusiortarnek aamma akiliisarnek il.il. pillugit maleruagassat allangortinneqarnerat)

(Aningaasaqarnermut Aatsitassanullu Naalakkersuisoq)

Kalaallit Nunaanni aatsitassarsiornek annikitsumik annertuumilluunniit ingerlatsiviuppat periarfissat sinaakkutaannik eqaallisaaneq misilittagaalersut naapertorlugit inatsisinik naleqqussaanerit aallaavittut pitsaasuuppata Siumumiit tapersersorpavut.

Amerlaqaagummi nunatta pisuussutaanik uummaatsunik inuussutissarsiornek aningaasarsiornerlu annertunerusumik sukkanerusumillu piviusunngortitserusuttut.

Unalu aatsitassanut inatsimmi sinaakkutinik eqaallisaanertut pitsanngorsaanertullu isigaarput.

Ilaatigut Naalakkersuisup oqaaseqaatimini erseqqissaassutigai misilittakkat workshop-imi katersorneqartut aallaaviusut.

Taamatut oqaaseqarluta inatsimmi allanguutissatut siunnersuutit Siumumiit taperserpagut.

Qujanaq.

Jens-Erik Kirkegaard
Siumut